

MØG-A ÁCĪMMI YI KŌMI LĀBØ KI RI GĪG-A DWADDI KIPER DHANHØ BĒNE

G. A. res. 217A (III), U.N. Doc A/810 at 71 (1948)

THYĒRØ

Ka árum yĕēyĭi kinni wøri bēēdi dhanhø á dhanhø pere tek, ki kinni gĭn-a cwøl á dhanhø pār bēne, o di dwaddø kinni bēēd ji bēnn ki kōmi piny ki mēr, ge gøgg-a dyēr, e bong ngan geny,

Kà bēēd wøyi dhanhø nyii kånø ki bēēdø me raj, ki liny geki rēnyi rumi dhanhø, ka bēēn-a di bēēd ji ge køm-a dyēr e bong ngan mään kwøbi kej dhøge, o yĕēye bēēde á cwagge kete, e dhanhø pa bōggi rumø yĕēyø kinni bene bēēn-a tyer yi ji bēnn,

Kà bēēde á gĭn pere tek kinni keløg dhanhø odhalø yi rāji bēēdø, nyii rumø kinni óyiel-a yi ngānyi wāye kipe kà guud wange, ngan ni menani di ceg ka korrø yi cigg,

Kà bēēde á gĭn pere teg kinni bēēd pōdhhi kōmi piny bēnn ki mēr, e ri gen ngānyi yi gen,

Kà árum yĕēyĭi yi Buri Pōdhhi Kōmi Piny, ka cĭb yi gen á Cigg kinni dhanhø bēne pār, o ko mään gĭndøj men-a dwdde, má ji ceg bēēdrø ga ji bēnn ceth, o ge pār bēnn ying ga cwøw walà männ, ge di dwaddø kinni køny gen ki tyenyi bēēdi gen, o ge dōnyi gen ge bēnn,

Kà árum yĕēyĭi yi Pōdh-a Yij Buri Kōmi Piny, ka ge oköøbø kinni ge ógöögø kiper tyēgi møg-a áyĕēy yi gen ki gwøgø, kyeel ki Buri Pōdhhi Kōmi Piny, a løg kønyi dhanhø bēne ki wøri ree, ki korri ji bēnn,

Kà ørum yodii yĭi ji kinni gĭg-a dwaddi yi dhanhø bēne päär ki kinni bēēd dhanhø wĭje, bene gen a per gen teg kiper dhanhø bēne,

Anan, ki bang møgani bēnn,

Buri Kōmi Piny Bēne

Ceg-a cĭb ki Gĭg-a Dwaddi Kiper Dhanhø bēne ki Kōmi Lābø; møgani cĭb ga møg mĭdhi yi ji bēnn ki pōdh bēnn; ge ködd-a kōmi dhanhø geki tyēng-a bēēd gen ki kej ákyel, bēēd gen ceth ge mĭdh-a Møg-a Ácĭb ki wādhi gen, ka gĭgani pwōnyi teedø, kiek kinni o ji dĭd gen ki wøri ri gen, o gĭgdwaddi møg-a ácĭb kipe bēēdi ji ki wādhi gen ge pa bōggi mĭdhi ki wuødø kĭ yij pōdhø kete ki kelli pōdhhi kōmi piny, kipe mĭdhi døøji burø kĭ kōmi piny bēne, e ji ri gen gānyi yi gen, o ge wør-a ri gen kĭ yedhi Pōdh-a Yij Buri Kōmi Piny, kĭ kelli tyēng-a bēēdø kĭ yedhi pinyi pōdhhani ge mĭdh-a cigg.

Cigg 1

Dhanhø bēne ba anywølø e path ki bång, ge pār ki yij bēēdø geki dyērø. gĭn-a dwaddi kiper gen yĭ gen da rumi ki bēēdø mø göög gen ki pyēw akyel ga nyimëgg.

Cigg 2

Dhanhø bēne yĕe da cwagge kipe gĭn-a dwadde kĭ bongi bångø men-a ácĭb ki yij buri jur bēnn, e bong geny, kiri jur wala kĭdø wala ki bēēdø á dhajø wala jalø, wala kwøbbi pōdhø wala keløg e da rum mø bēēn pōdhi wun wala tha gøl wun wala jammi wala nywølø ki bēēdø.

Cigg 3

Dhanhø bēne dwadd-a nēnni kĭ kōmi lābø, ki bongi bångø ki kori dēēle.

Cigg 4

Ko di dhanhø me mĭdhi wala ngew a bång Ngyew ki bångg ba akerø ki yēdh-a nyi gøgii bēnn.

Cigg 5

Dhanhø ko pwød wala dwany, wala ko göggi ki gĭn-a pa nyi göggi dhanhø wala møg-a raj wala ko göggi ki abaarø.

Cigg 6

Dhanhø bēne di dwaddø kinni wør á dhanhø ceth ki bøli cigg.

Cigg 7

Dhanhø bēne pār ki bøli cigg, o ge dwadd-a bēēdø e bong geny, o bēēd ji bēnn ge okorrø yi cigg.

Cigg 8

Dhanhø bēne ócuggø kedhi buri pōdhø keløg e ogöggø ki raj ki kōmi gēē men-a mēggii yi cigg.

Cigg 9

Bong dhanhø me mag wala mään wala kyeew kej megø.

Cigg 10

Dhanhø bēne bēēde e par ki ji bēnn ki bøli burø. Ka gønye lidh kĭ burø me yije bong geny kĭ ruj.

#### Cigg 11

Dhanhø men kōme di cay bēēd a acwag kinni yīe bār gīti na kenya-a ocayii, e cáyani kōøl-a kōmi cigg.

Bong dhanhø men cuggi cayø kipe gīn-a gwøg yī en wala men-a nuti gwøgø yī en gīti kenya-a o yodì kinni cigg mō pōdhø wala mō kōmi lābø gī pyeem en ki bōli kenya-a ocwōb kwōbani. Thyew, ko cay kí cáy mō lod mōg-a caayii kī bōli kenya-a acwōb rajjani.

#### Cigg 12

Ko di dhanhø me göggi ki raj kī yij bēēde wala gōle wala kenya-a bēēde. wala kōme ko kōōb ki kwōb mō rēnyi nyinge. Dhanhø bēne di dwaddø kinni kor yi cigg.

#### Cigg 13

Dhanhø bēne ba ayīēy kinni wele. wlala bēēde ki yij keew pōdhø bēne.

Dhanhø bēne ba ayīēy ki dāgi pōdhø megø. Ócuggø dhwōdhø ki pōdhi gen, o ócuggø ki dwōōgø yije.

#### Cigg 14

Dhanhø bēne ba ayīēy ki yōmi pōdhø megø keløg wange oguudø ki pōdhi gen.

Dyēr menani ko mään dhanhø keløg e da guudi nying, kí mōd kipe kwōbbi jyägø. wala kipe mō bään ki mōg-a ócīb yi Buri Kōmi Piny.

#### Cigg 15

Dhanhø bēne yīe da dyēr me kābbe kí jīnsīa mi pōdhø me path ki pōdhi gen.

Bong dhanhø me cuggi määnø ki jīnsia mee ki mi podhø megø.

#### Cigg 16

Dhajø geki jalø mōg-a wādhi runni nywōm yī gen da dyērø me nywōm gen ri gen, o ge göög gen ki kal e bong gīn jog gen kiri kwōbbi Jwøk wala kōbbi jur, nimi ka nywōm gen ri gen, yī gen da dyēr kiri nywōm geki täng.

Nywōm dwada cuggø ki kaam dhajø geki jalø e bong cīir.

Kal ówōni pere teeg ceth ki buri ji, o kor ceth yi burani kī pōdhø.

#### Cigg 17

Dhanhø bēne ceg bēēdø á ayīēy kí mīdhø ki jammi, ying gī mīdhe ga mōge ket wala mōge geki ji mōøgø.

Jammi dhanhø ko wōl ki kabø.

#### Cigg 18

Dhanhø bēne yīe da dyērø me rume, ki bēēdø ki kwōbbi Jwøk. O dyērø menani thōdha gøn ki teegø me wile kwōbbi Jwøge wala yiēye kete wala geki ji mōgø.

#### Cigg 19

Dhanhø bēne yīe da dyērø mi kwōb ki nyudhø ki gīn-ao røm yi en, dyērø menani wēga en yēyø ki rumi ji mōgø e bong cīr, ócuggø tīngø ki wōdd ki yī ji rāādi ki wāj j e bong ngan määnii.

#### Cigg 20

Dhanhø bēne yīe da dyērø me rēbe ki bur mōggø ki akudd-a yedhi gīn yīdde mēr.

Bong dhanhø me cir kipe o rēbe ki akud megø.

#### Cigg 21

Dhanhø bēne yīe da dyērø me gööge kī yij mīri mi pōdhø, keløg e gsøg ki kenyani yood en ka cwagge wala kwa ny-a yi ji mōøgø.

Dhanhø bēne yīe da dyēr me nimi ngan-a kyeelø o gööge ki kājji gwōgg kī yij pōdhø.

Yīēyø mi ji en a re kāāl yi teegi mīri, ø yiēyani kāāl-a bang leeng men-a nyi leeng ji o cugi bēēdø a leeng tīngi cing wala men-a nyi gwed.

#### Cigg 22

Bēēdi dhanhø á ákyel kī kelli tyēng pōdhø wang-a kinni, burani ki bang gsøg pōdhø ki nywäg kōmi lābø geki mōg-a nywag, ki tyēny pōdhø ki jamm-a nyi nywøl en ki mōg-a kāni ki ngyēny, ki bēēdø kī kej akyel, ki øddi gwedd mōg-a bong kār, ki teegi peri dhanhø ki kunø e bong bäängø kipe dhanhø.

#### Cigg 23

Dhanhø bēne yīe da dyēr o gööge; ki gwøng-a dwaddi yi en, ka pōdhø kore o bēēdø e bong ngan jad ki gwøg.

Nyi cuddi dhanhø ki köögi men-a kyëëw ki gwøng-a gwøge e bong geny.

Dhanhø bëne men-a göögø yïe da dyërø me cudii ki köögi men rømi kipere kí gøle.

Dhanhø bëne yïe da dyërø me køøgii kenya-a órum gwøge á (makäpī) me kōme pādhi yi en geki gøle, o kōme ócuggø ki kīdhø kipe kinni wange ko cyāni kenya-a óðøøg cinge ree.

Cigg 24

Dhanhø bëne yïe da dyërø kipe cyāng ywömø ka cuddi ceth keløg e ogööögø ki cyääng ywömø.

Cigg 25

Dhanhø bëne yïe da dyërø ki yij bëëdø, kipe kori dëële, ki cwage, ki gøle, gīgcaam, ki ogødh, ki ød, kori rāmi dël ki jam døj kipe bëëdø, thyew ki dyër me korii ke bong yïe gwøg, rāmi dël nyødhi dël, ki kījø, ki dōng.

Mëgg ki othønhø yï gen da dyër mi kori gen ki konyi gen, othønhø bënn dwata korø, møg-a nywøl kiri yuu nywöm wala møg-a nywøl ki yëdhh møøgø.

Cigg 26

Dhanhø bëne yïe da dyërø mi dīdø ki gwed ka cugge. Gwed dwatá bëëd e bang gīn col. Ka dwate bëëd a cīr kipe cukø, yiëy nyi gwed wala nyi gwed ki ød gwed men-a yīng mal dwatá kāl bang pōdhø me.

Dīdø dwata bëëdø á men tīng bëëdi dhanhø o wøre dyërø ki bongi bāngø kipe līngi dhøg, ki dwög laaw piny ki kelli teedø ki kelli jur møg-a gēnyø, ki tyēng kwøbbi Jwøk møg- a bān, møgani kony-a tyēng buri kōmi lābø ki kori mēr.

Wëgg yï gen da dyër kipe yeny yöö men-a dīd yi nywølli gen.

Cigg 27

Dhanhø bëne yïe da dyërø me nywäge kiri kwøng bëëdi ji ki kunyø kipe dīdø.

Dhanhø bëne yïe da dyër kipe kori kōngi ki jamm-a nywøl yi dīdø.

Cigg 28

Bëëd dhanhø e okorø yi cigg møg; gen a cigg-a ácíb ga møg ri gen bëëd yi pōdhø kí bëëndøj geki pōdhh-a kyeelø e da korri gīg-a dwaddi kipe døøji burø, ki tābbø, ni ka ácíb gen ceth ga møg mīdhi.

Cigg 29

Dhanhø bëne yïe da mwøg me dwati gwøgø yi en ki buri ji.

Kiri gwøøg dyër ki bongi bääng, dhanhø bëne dwata bëëd nimi ka dwatii yi cigg, kipe kori yiëyø ki wøri dyër kí bongi bäängø mi ji møøgø.

Dyër møgani kí bongi bäängø, mīdhi gen ceth kí yuu-a dwaddi yi Buri Pōdhhi Kōmi Piny.

Cigg 30

Ki yij nyudhø men, bong gīn cuggi løgø me nēngi pōdhø wala ji wala dhanhø ki teegø me göøge kipe rēnyi gīg-a ácíb møg ki bongi bäängø mø bään ki møg-a ácíb ki yij wānyø men; a løg Møg-a Acīb yi Buri Pōdhhi Kōmi Piny.